

Q. B. V.

THESES MISCELLÆ PHILOSOPHICÆ,

Quas,
Cum consensu ampliss. facultat. philosoph. in Reg.
Academia Aboënsi,

Sub MODERAMINE

VIRI CL.

ALGO TH I A. S C A R I N,

Hist. & phil. mor. Prof. reg. & ord.

ad diem XIII. Aprilis Anni MDCCCXLV,
publico examini subicit

GABRIEL MELARTOPOEUS

AUSTRO-FINLANDIUS

L. H. Q. S.

ABOÆ, Excud. JOH. KIÆMPE, Reg. Ac. Typ.

G. Bage

G. Wetterwy

Sacrae Cæsareæ Moscovitarum Majestatis
FIDELISSIMO VIRO,
Maxime reverendo & amplissimo

**D^N. CHRISTIANO
MELARTOPOEO,**

Ministerii Evangelici per *INGRIAM & CARELLIAM RUS-
SORUM PRÆSULI*, utriusque ecclesiæ Wiburgensis *AN-
TISTITI & ARCHI-PRÆPOSITO* meritissimo, Consi-
storii ibidem ecclesiastici *PRÆSIDI* gravissimo, schola-
rumque per districtum illum *EPHORO* adcuratissimo,
PATRONO & PATRUO optimo, carissimo.

Cum arcta mihi sanguinis Tecum, Patruæ Optime, ne-
cessitas intercedat; & quantis beneficiis fidem meam, pieta-
temque perpetuo obligaveris, publice testandæ occasione mihi in
presens usque frustra optaverim: illuxisse demum tempus in sinu
gratulor mihi, quo pietati meæ, quantulacunque ratione sati-
facere possim. Tu vero pauperiem, sine dote, devotionis meæ, quo
affoles, sincero animo adopta, Tuamque in posterum quoque clien-
telam mihi presidio adesse sine. Servet Te benignissimus vita &
rerum omnium nostrarum *ARBITER* in Nestarcos annos, Tuoque se-
nescenti magis magisque martiali domicilio animum largiatur
flore juvenia, per multos adhuc annos vegetum & virentem,
in ecclesiæ orthodoxæ edificationem, honestissima familia Decus,
omniumque, quos in aere Tuo esse voluisti, gaudium atque
emolumentum!

Maxime Reverendi & Amplissimi Nominis Tui
Cultor Observantissimus

GABRIEL MELARTOPOEUS.

Thef. I.

Sicut omne possibile, quod nullum se superius genus agnoscit, *necessarium* est, ita ex illis, quæ sub aliqua notione tanquam genera inferiora vel species comprehenduntur, *notio contingentiae* deducitur.

Thef. II.

Cum quæ enti finito inesse possunt, non nisi successive, eaque non propria, sed aliena virtute inexistant, quis inter Ens finitum & infinitum nexus & relatio intercedat, primum est videre.

Thef. III.

Mundus itaque, qui est entium finitorum complexus, cum talis sit, ut per se neq; existere, nedum durare queat, nisi concursus DEI accedat, qui illum conservabit, & ad finem propositum diriget: providentiæ Divinæ in continuanda illius existentia, necessitas inde, luce meridiana clarior emergit.

The. IV.

Sicut *modum* creationis mundi nescimus, ita *actum* illius non præcise ab intellectu, sed voluntate Divina dependere asserimus.

Thef. V.

Ratio, cur *Spinoza* incidit in impiam & maxime abominabilem opinionem, qua machinam hujus

universi, & que in illo continentur, non esse diversas a DEO substantias, verum eandem cum eo esse dixit, fuisse videtur, quod cum modum creationis perspicere non potuit, proinde impossibilem eandem quoque existimaverit.

Thef. VI.

E*Ns simplex* de suo nihil cum altero communicare potest.

Thef. VII.

EXistentibus compositis, existere debent *monades*, ex quibus composita suam habeant substantialitatem.

Thef. VIII.

ANimæ brutorum, seu potentia rationis inopes, soluto earum cum corpore organico nexu, moriuntur, aut, si cum veteribus loqui velis, rediguntur in pristinam hujus universi conditionem.

Thef. IX.

IN *materia*, figura, motus atque situs adest. At sensus, conscientia, consilium a figura situ atque motu proficisci nequit. igitur sit aliquid, necesse est, in homine a materia prorsus separatum, quod animam vocamus.

Thef. X.

IMortalitas animæ, unde præcipua moralis philosophiæ dignatio, gentium præstantissimis in ambiguis dogmatibus collocata fuit, & ad coercendas, intra modum vulgi cupiditates satrem, a multis inculcata.

Thef. XI.

Quod per revelationem DEUS ea suppleverit, quæ ad vitam æternam adipiscendam, ratio ignorat, inde non aliqua inter utrumque principium, contradictio est.

fin.

5
fingenda, quasi revelatio præcepta rationi humanæ con-
traria proponat.

Thef. XII.

Philosophiam moralem per modum scientiæ veteres:
multo pleniore vero habitu, recentiores excolue-
re.

Thef. XIII.

Regula a veteribus commendata, quæ præcipit ea à
nobis fieri debere, quæ nos nostrum quæ statum per-
ficiunt, adeo quidem naturæ cujusque insita est, ut
navibus & quadrigis bene vivere anhelemus. Pro mora-
litate autem principio, quo minus venditari possit,
modeste dissentiant plurimi.

Thef. XIV.

Cum rationalitate gaudeat Atheus, legis capax est, &
ideo imputationis.

Thef. XV.

Rationalitati ejusdem speciei, æqualitas hominum na-
turalis innititur.

Thef. XVI.

Cum libertas, si nimia fuerit, in licentiam degene-
rare nullo negotio possit, inde Seneca *summam li-
bertatem esse parere legibus*, non præter rem dixisse cen-
sendus est.

Thef. XVII.

Necessariarum & impossibilium actionum datur im-
putatio.

Thef. XVIII.

In societatem civilem homines natura non trahun-
tur.

Thef.

Thes. XIX.

Constituendarum civitatum in mundo, qui malis laborat moralibus, palmarium fundamentum est securitas.

Thes. XX.

Sine jure vitæ & necis imperium concipi nequit.

Thes. XXI.

Difficile definiri potest, quamnam regiminis forma optima sit censenda. nempe cum non una omnibus via placeat, sed diversis itineribus diversæ gentes ad bonum publicum pertendere soleant, formam imperii illam censemus optimam, quæ status vitæ urgetur minimis, & genio populi accommodatissima est.

Thes. XXII.

Sunt gentes olim & hodie, quarum, nisi beneficio servitutis, salva esse non potest respublica.

Thes. XXIII.

Sicut imbecillum illud reipublicæ corpus est censendum, ubi *Capiti* tantum non juris atque libertatis est relictum, ut possit de conservatione membrorum judicare: ita ubi sub illustri quadam specie suæ gentisque gloriæ, *illud* talia machinari incipit, quæ cum alterius partis detrimento manifesto conjuncta fuerint, populum univrsum sejungere a se posse injurias istas existimamus.

Thes. XXIV.

Quamvis cum Hobbesio non facile consenserit quisquam, quod ad eam perfectionem ascendere possit princeps, ut nulla civitati ab eodem fieri possit injuria.

7
juria; obstant multæ rationes tamen, cur, quod in principatu beatissimam est: *Non cogi*, eidem non adimere civis, neque cui ipse, coercitionis generi, eundem subijcere possit.

Thes. XXV.

Cum de civis obligatione exsequendi principis sui iusta ex suo quisque principio philosophantur Hobbesius atque Pufendorfius, problematis illius nexum nodumque implicare magis, quam explicare multis non sine ratione videntur.

Thes. XXVI.

Historia vere sic dicta, præsertim politica, ad notitiam & prudentiam consequendam quam maxime inservit.

Thes. XXVII.

An te reformationem, plus quam mille annis Svethiæ regis eligendi penes populum potestas erat. neque nisi seculis a memoria nostra remotissimis, itemque proximis, absolute monarchicum & hæreditarium invaluit.

Thes. XXVIII.

Etiam si absolute loquendo, nullum ex injuria metuque jus nasci concefferit aliquis; idem tamen, si omnimodam libertatem non requiri dixerit in omni consensu obligationem producente, sibimet ipsi repugnare non illico dicendus est.

Thes. XXIX.

Cum principis sit, independenti jure curare ecclesiam, h. e. rituum, rerum, atque personarum eodem pertinentium rationem habere, immo curare etiam ne qua sub specie religionis & ecclesiæ, nova in republica

blica existat respublica, notionem *magistratus politici*, quae a papismo est, de principe proprie minus, adaequateque praedicari existimaverimus.

Tbes. XXX.

ERICUS XIV, rex Suetiae, quem cum Tiberio Romano in ingressu, progressu & egressu, eandem omnino vix fabulam iussisse dixeris, si non in magistrum incidisset Calvinistam, qui eidem a puero persuasisset siderum nexui fatoque, vivendi & moriendi causas arcte implexas esse, adeoque motibus illis animum & corpus suum nequiquam resistere posse: de excelsa, quae in puero eluxit, virtutis indole sperare licebit, quod confirmata aetate, langvine, libidine, & levitate, tanta cum praesumptione non cooperturus fuisset brevem imperii moram, seu uti *Messenius* loquitur: *istis deditus imaginatio- nibus, ut imminetia fata devitaret, propriam non formidasset umbram, non scelera sceleribus cumulasset, & ita pedetentim in fatorum abyssum deproperasset.*

S. D. G.

